



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola XII. Innocentii Papae IV. Ad Fratres Praedicatores. De haeresi
extirpanda.

urn:nbn:de:hbz:466:1-15974

hæreticos sciuerit, vel aliquos occulta conuenticula celebrantes, seu a communi conuerstatione fidelium vita & moribus dissidentes, eos studeat indicare confessori suo, vel alii, per quem credat ad prælati sui & inquisitorum hæreticæ prauitatis notitiam peruenire: alioquin excommunicationis sententia percellatur. Hæretici autem & receptatores, defensores & fautores eorum, ipsorumque filii usque ad secundam generationem, ad nullum ecclesiasticum beneficium seu officium admittantur. Quod si secus actum fuerit, decernimus irritum & inane. Nos enim prædictos & quoscumque viros ecclesiasticos, qui ad preces huiusmodi pestilentium personarum, dignitates, personatus, & quæcumque alia ecclesiastica beneficia, sunt adepti, exnunc priuamus taliter acquisitis: volentes ut tales & habitis perpetuo careant, & ad alia vel similia nequaquam in posterum admittantur. Illorum autem filiorum emancipationem nullius momenti esse volumus, quorum parentes post emancipationem huiusmodi ad viam superstitionis hæreticæ a via declinasse constiterit veritatis.

Datum Anagniæ decimo septimo Kalendas Iulii, pontificatus nostri anno vndecimo.

EPISTOLA XII.
INNOCENTII PAPÆ IV.
AD FRATRES PRÆDICATORES.

De hæresi extirpanda.

Innocentius episcopus seruus seruorum Dei dilectis filiis fratribus ordinis Prædicatorum inquisitoribus hæreticæ prauitatis presentibus & futuris in Lombardia & marchia Ianuensi salutem & apostolicam benedictionem.

MALITIA huius temporis in diuersis mundi partibus, & maxime in prouincia Lombardia, peruersorum morum peperit corruptelam, ex quibus lethifera pestis hæreticæ prauitatis abundantius solito noscitur pullulasse. Ad extirpationem igitur eiusdem pestis iuxta offici nostri debitum ex animo intendentes, volumus aduersus huiusmodi iniquitatis operarios, qui massam catholicæ prauitatis fermento propriæ contagionis inficiunt, fideles, ut confurgant stentque nobiscum pro euangelicis, quas pro-

fessi sunt legibus defendendis, salubribus adhortationibus
incitari.

Quocirca discretioni vestrae per apostolica scripta di-
strictè præcipiendo mandamus, in remissionem vobis
peccaminum iniungentes, quatenus in locis vbi contra
hæreticos vobis inquisitionis officium commissum est,
curetis singuli opportuna instantia contra eosdem hære-
ticos eorumque fautores proponere populis publice ver-
bum Crucis : & eos qui tacti zelo fidei ad extirpandam
prauitatem eamdem votum assumpserint, Crucis chara-
ctere consignare.

Vt autem vobis de prædicatione huiusmodi, & fidelibus
qui eiusdem Crucis ob hoc votum assumpserint, copio-
ſa mercedis præmium afferatur, vobis & eisdem fideli-
bus illam indulgentiam illudque priuilegium elargimur,
quæ tranſeuntibus in terræ sanctæ ſubſidium in generali
Concilio conceduntur. Cum autem huiusmodi Crucis
verbum per vos proponi contigerit, relaxandi omnibus
vere poenitentibus & confeffis, qui ad audiendum ver-
bum ipsum deuote adfuerint, quadraginta vel viginti dies
de iniunctis poenitentiis libera ſit vobis & singulis vestrū
de noſtra confeſſione facultas. Quod ſi forte, quod non
credimus, aliqua ciuitas, communitas, vel persona, cuius-
cumque conditionis vel gradus, huic tam ſalubri nego-
tio ſe opponere, ſeu illud præſumpſerit aliquatenus impe-
dire, vt per vos, vel per alios auctoritate noſtra ad hoc
deputatos, vel in posterum deputandos, libere procedi
non valeat in eodem ; imo ſi quicunque requiſiti illud fo-
uere neglexerint, & iuxta officium & poſſe ſuum studio-
ſe iuuare ; contra eos, tamquam defenſores & fautores
hæreticorum, ſublato appellationis obſtaculo, vos vel
veſtrū ſinguli auſtoritate noſtra intrepide procedatis.
Contra quos, prout audacia ipsorum exegerit, reges &
principes Christianos, nec non Cruceſignatos pro terræ
sanctæ ſuccurſu, curabimus inuocare : cum non minus
expadiat, imo magis, fidem in locis prope poſtitis, quam
procul diſtantibus defenſare.

Porro vt non ſolum inquisitionis vobis ſuper hæretica
prauitate commiſſa, ſed & huiusmodi prædicationis Cru-
cis officium in manibus veſtris congruis fauoribus adiu-

Concil. Tom. 28.

Fff ij

412 INNOCENTII PAPÆ IV. EPISTOLÆ.

uetur, absoluendi iuxta formam ecclesiæ, omnes qui contra prauitatem hereticam affumperint signum Crucis, ab interdicti, suspensionis, & excommunicationum sententiis canonicis, & præsertim ab illis quas pro incendiis, vel effractionibus ecclesiarum, seu iniectione manuum violenta in personas ecclesiasticas, incurrerunt: & aliis quoque sententiis a nobis vel auctoritate nostra generaliter promulgatis, nisi adeo grauis & enormis excessus fuerit personarum, quod ab his oporteat absolutionis beneficium per sedem apostolicam obtineri: nec non & ab illis sententiis, quas adhærendo & fauendo contra ecclesiam quondam Friderico, se tum pro imperatore gerenti, seu Conrado nato eius, vel ipsorum fautoribus incurrerunt: Ezelino de Romanis, Vberto marchione Pelavicino, machionibus, comitibus, baronibus, capitaneis, potestatibus, rectoribusque ciuitatum atque locorum, similibusque personis, qui in ecclesiæ & personas ecclesiasticas sœua exercuisse noscuntur, aut eorum bona ne quiter occupasse, dumtaxat exceptis; dummodo affumpto Crucis signaculo, votum huiusmodi, qui absoluuntur, efficaciter prosequantur; & ipsi caueant quod de cetero contra ecclesiam nunquam erunt; & tam ab ipsis, quam ab aliis præmissis, plena de damnis & iniuriis, propter quæ excommunicati noscuntur, satisfactio, vel satisfaciendi sufficiens securitas, impendatur. Nec non & dispensandi cum clericis super irregularitatibus, quas celebrando diuina ligati sententiis canonicis contraxerunt: commutandi quoque vota eorumdem Crucesignatorum vountium, & votorum qualitate pensata: terræ sanctæ votis, aliisque perpetuis, quæ commutationis non admittunt remedium, dumtaxat exceptis. Concedendi quoque Crucesignatis iisdem, quod tempore generalis interdicti possint interesse diuinis officiis, & ecclesiastica sacramenta recipere, in locis in quibus eadem ex indulto sedis apostolicæ celebrantur, dummodo, si in præmissis casibus ecclesiasticis tenentur ligati sententiis, prius beneficium absolutionis assequantur, vobis & singulis vestrum auctoritate præsentium concedimus facultatem.

Datum Anagniæ decimotertio Kalendas Iulii, pontificatus nostri anno vndecimo.